



Agls cunseglis da scola, direcziuns da scola e persun- gas d'instrucziun

Info 2013/14
Nr. 4

Documaints actualisats tar la procedura d'admissiun: www.av.s.ch

Ena glista da controlla actualisada tar la *procedura d'admissiun* scu er ulteriours formulars e documaints da basa per l'assegnaziun definitva da scolaras e scolars stattan per dalunga a disposiziun sen la website. Nous supplitgagn las persungas d'instrucziun responsablas da duvrar chels documaints.

Sarvetschs da translaziuns per discurs cun genitours: verdi-ost.ch

Tar discurs fitg impurtants è ena bunga e clera comunicaziun indispensabla. An cas da basign porscha *Verdi* a las scolas en servetsch da translaziuns professional. Ulteriours manuals e mossa-veias cattez er sot *Interpret*.

Nov register digls meds d'instrucziun: www.lmv.gr.ch

Cun decisiun digls 18 da favrer 2014 ò la regenza delibero igl *register digls meds d'instrucziun* obligatorics pigl onn da scola 2014/15. Tala decisiun cattez scu pdf per carger giun sen la website digl uffezi da scola e sport.

Fegnameiras intermediaras engles primara: www.av.s.ch

Las fegnameiras intermediaras cun indicaziuns tematicas per favrer 2014 da la gruppa accompagnaonta primara engles 5 e 6avla classa stattan a disposiziun sen la website digl uffezi da scola e sport : *Orientierungshilfe aus der Praxis für die Praxis*.

Indiacaziun impurtanta per la midada an igl scalem secundar I: „New World 2“ stò neir sarro giu anfignen la fegn da la 6avla classa. Eventualmaintg stò lotiers neir renunztgia sen l'egn u l'oter tema (curach a la largia) u sen igl adiever dad ulteriours materials d'instrucziun sper igl med obligatoric. An la 7avla classa vigl cuntinuo directamaintg cun "New World 3".

Notg da rachints svizzer: www.sikjm.ch

La notg da rachints svizzer ò li mintg'onni igl meis november. Ella è igl pi grond evenimaint cultural da la svizra. Dapertot rachintan grond e pitschen l'egn l'oter istorgias u ligian avant. Classas da scola, bibliotecas, librerias e diversas instituziuns culturalas insceneschan mintgamai igl motto da la notg da rachints an en rom plaschevel. Sen la *website* cattez numerosas infurmaziuns ed ulteriours ageids d'organisaziun.

Congedi da furmaziun supplementara: www.phsg.ch

Mesemda, igls12 da mars 2014 allas 18.00 ò li a la Scola ota da pedagogia digl Grischun ena occurrenza d'infurmaziun tar igl congedi da furmaziun supplementara. Daple detagls cattez an igl flyer agiunto.

Cun saleids amicabels, Andrea Caviezel, manader inspecturat da scola grischun

Part regionala: District Plessur – Grischun central



Curs da perfecziunamaint g&s sport da scola mountainbike

Varda agiunta!



Curs obligatoric introducziun novas persungas d'instrucziun (IPPI)

Cura: Mesemda, 13. August 2014, allas 13.30 – 17.00 ouras

Noua: Coira, aula tga da scola Giacometti

La partizipaziun a chella occurrenza è obligatorica per persungas d'instrucziun an igl amprem onn da sarvetsch, reprincipantAs siva d'ena assenza scolastica da ple tgi tschintg onns scu er per persungas sainza la scolaziun adequata pigl scalem instrua. Sur dad exepziuns decida igl inspecturat.

Nous supplitgagn las direcziuns da scola d'infurmar surdlonder las da nov pladeidas persungas d'instrucziun. Tottas participantas e tots participants survignen a taimp l'invitaziun digl inspecturat.



Termins d'assegnaziun 2013/14

Termin provisoric d'assegnaziun: 31.01.2014

Termin definitiv d'assegnaziun: 23.04.2014

(per scolas, noua tgi chel termin croda ainten igl taimp da las vacanzas da premaveira, vala scu termin definitiv mintgamai la mesemda avant las vacanzas).

Examen da recurs cantunal: 3. / 4.06.2013



Occurrenzas regionalas cunsegl e manaders da scola / persungas da contact

Adatg!

A parteir da chesta premaveira organisaescha noss district angal ple dus occurrenzas regiunalas per presidis e manaders da scola!

Las invitaziuns cun glista da tractandas suondan a taimp per e-mail.

L'invitaziun sa drezza agls represchantants da las scolas digl onn da scola vegnent (sainza las scolas actualas da Surses).

Cura / noua	Tgi
26.05.2014, a las 19.00 a Coira	Regiun Coira, Scanfetg, Curvalda, Panadoz, Razejn
03.06.2014, a las 20.00 a Tusang	Regiun Tusang, Tumliastga, Schons, Avras, Valragn, Alvra, Surses

Mars 2014

Per igl team districtual

Pauli Dosch, manader